

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u skladu sa članovima 33. i 46. Zakona o izvršavanju Budžeta Zeničko-dobojskog kantona za 2021. godinu („Službene novine Zeničko-dobojskog kantona”, broj: 7/21), na prijedlog Ministarstva zdravstva, Vlada Zeničko-dobojskog kantona, na 108. sjednici, održanoj dana 31.05.2021. godine, d o n o s i

ZAKLJUČAK

o usvajanju Programa utroška sredstava planiranih u Budžetu Zeničko-dobojskog kantona za 2021. godinu na razdjelu 21- Ministarstvo zdravstva, budžetska organizacija 01, potrošačka jedinica 0001, ekonomski kod 614100- „Transferi drugim nivoima vlasti“, subanalitika LAX010 „Tekući transfer za JU Kantonalna bolnica Zenica“

I.

Usvaja se Program utroška sredstava planiranih u Budžetu Zeničko-dobojskog kantona za 2021. godinu („Službene novine Zeničko-dobojskog kantona”, broj: 7/21) na razdjelu 21- Ministarstvo zdravstva, budžetska organizacija 01, potrošačka jedinica 0001, ekonomski kod 614100- „Transferi drugim nivoima vlasti“, subanalitika LAX010 „Tekući transfer za JU Kantonalna bolnica Zenica“ u iznosu od 1.350.000,00 KM (slovima: jedanmilijonitristotinepedeset hiljada konvertibilnih maraka), koji čini sastavni dio ovog zaključka.

II.

Sredstva planirana Budžetom Zeničko-dobojskog kantona za namjene predviđene ovim zaključkom realizovat će se isključivo u skladu sa realizacijom ostvarenih javnih prihoda u Budžetu Kantona.

III.

Za realizaciju ovog zaključka zadužuju se Ministarstvo zdravstva i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

PREMIJER

Mirnes Bašić

Broj: 02- _____ /21
Datum, 31.05.2021. godine
Zenica

DOSTAVLJENO:

1x Ministarstvo zdravstva,
1x Ministarstvo finansija,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZDRAVSTVA**

**PROGRAM UTROŠKA SREDSTAVA
PLANIRANIH U BUDŽETU ZENIČKO-DOBOJSKOG KANTONA
ZA 2021. GODINU
NA RAZJELU 21- MINISTARSTVO ZDRAVSTVA, BUDŽETSKA ORGANIZACIJA 01,
POTROŠAČKA JEDINICA 0001, EKONOMSKI KOD 614100- „TRANSFERI DRUGIM
NIVOIMA VLASTI“, SUBANALITIKA LAX010
„TEKUĆI TRANSFER ZA JU KANTONALNA BOLNICA ZENICA“**

Zenica, maj 2021. godine

I UVOD

1. Pravni osnov

U skladu sa članom 33. stav (1) Zakona o izvršavanju Budžeta Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21), sredstva utvrđena u razdjelu 21, budžetska organizacija 01, potrošačka jedinica 0001 Budžeta -Ministarstvo zdravstva - pozicija „Tekući transferi drugim nivoima vlasti“ i „Tekući transferi neprofitnim organizacijama“, koristit će se prema programima utroška, koje donosi Vlada Kantona.

U skladu sa članom 46. stav (1) Zakona o izvršavanju Budžeta Zeničko-dobojskog kantona za 2021. godinu, Ministarstvo zdravstva predlaže Vladi Zeničko-dobojskog kantona program utroška sredstava iz člana 33. navedenog Zakona, a stavom (3) istog člana Zakona propisani su bitni elementi programa: naziv programa, svrha programa, visina sredstava, izvori iz kojih će se finansirati, kriterij i naziv pravnog ili fizičkog lica koje prima transfer.

Budžetom Zeničko-dobojskog kantona za 2021. godinu planirana su sredstva u iznosu od 1.350.000,00 KM za „Tekući transfer za JU Kantonalna bolnica Zenica“.

2. Naziv Programa

Sredstva tekućih transfera za zdravstvo koristit će se po programu pod nazivom:

Program utroška sredstava planiranih u Budžetu Zeničko-dobojskog kantona za 2021. godinu na razdjelu 21- Ministarstvo zdravstva, budžetska organizacija 01, potrošačka jedinica 0001, ekonomski kod 614100- „Tekući transferi drugim nivoima vlasti“, subanalitika LAX010- „Tekući transfer za JU Kantonalna bolnica Zenica“ (u daljem tekstu: Program).

3. Ciljevi Programa

Cilj donošenja Programa je transparentno trošenje budžetskih sredstava čija je namjena omogućiti redovno servisiranje medicinske i nemedicinske opreme u JU Kantonalna bolnica Zenica, servisiranje informacionih sistema, kao i sprečavanje eventualnih situacija kada se zbog kvarova na medicinskim aparatima ne pružaju zdravstvene usluge pacijentima.

U uslovima pogoršane epidemiološke situacije u Zeničko-dobojskom kantonu, te neizvjesnog toka događaja u budućem periodu, neophodno je obezbjediti nesmetano pružanja zdravstvenih usluga pacijentima na Infektivnom odjelu koji su oboljeli od COVID-19 i trebaju kiseoničku podršku.

Budući da se očekuje početak realizacije Projekta „Poboljšanje energetske efikasnosti u JU Kantonalna bolnica Zenica, nakon rješениh problema vlasništva sa Gradom Zenica, postoji obaveza Vlade Kantona za planiranjem određenih sredstava za plaćanje PDV-a za nabavke tokom realizacije projekta.

4. Izvori sredstava

U Budžetu Zeničko-dobojskog kantona za 2021. godinu na razdjelu 21, budžetska organizacija 01, potrošačka jedinica 0001- Ministarstvo zdravstva, ekonomski kod 61400, subanalitika LAX010, pozicija „Tekući transferi za JU Kantonalna bolnica Znica“ planirana su sredstva u iznosu 1.350.000,00 KM, a realizovat će se donošenjem Programa i odluka Vlade Zeničko-dobojskog kantona o odobravanju sredstava, a prema operativnim planovima potrošnje usklađenim sa procentom ostvarenja javnih prihoda, osim u slučajevima odobrenim posebnom odlukom Vlade Kantona.

5. Korisnici Programa

Krajnji korisnik Programa je JU Kantonalna bolnica Zenica, čiji je osnivač Vlada Zeničko-dobojskog kantona, koja sukladno članu 13. Zakona o zdravstvenoj zaštiti („Službene novine Federacij Bosne i Hercegovine“, broj: 46/10 i 75/13) obezbjeđuje sredstva za investiciono i tekuće održavanje zdravstvenih ustanova čiji je osnivač. U posljednjih nekoliko godina Vlada Zeničko-dobojskog kantona u Budžetu planira sredstva čija je namjena pokriće dijela troškova tekućeg održavanja koje ima JU Kantonalna bolnica na godišnjem nivou. U uslovima pandemije uzrokovane virusom COVID-19 i pada u ostvarenju budžetskih prihoda dio sredstava po osnovu ovog transfera se usmjerio na pokriće nabavke medicinskog kisika.

6. Kriteriji za raspodjelu sredstava

Na prijedlog Ministarstva zdravstva, a po zahtjevu JU Kantonalna bolnica Zenica, Vlada Zeničko-dobojskog kantona u skladu sa usvojenim Programom, donosi odluku o odobrenju sredstava. Osnov za donošenje odluka su ugovori koje je za utvrđene namjene zaključila JU Kantonalna bolnica Zenica.

Sredstva će se transferisati na račun JU Kantonalna bolnica Zenica, na osnovu pojedinačnih odluka o odobravanju sredstava, kojim će biti preciziran način i dinamika transferisanja sredstava.

Sredstva za ove namjene su grupisana u četiri cjeline:

- Tekuće održavanje medicinske opreme,
- Tekuće održavanje nemedicinske opreme,
- Izdaci za pokriće dijela troškova nabavke medicinskog kisika u uslovima pandemije virusa COVID-19 i
- Izdaci za PDV po projektu „Poboljšanje energetske efikasnosti“ u JU Kantonalna bolnica Zenica

II PROGRAMI

1. Tekuće održavanje medicinske opreme (planirana sredstva u iznosu od 804.114,54 KM)

Planirana sredstva će se utrošiti za pokriće troškova tekućeg održavanja medicinske opreme u 2021. godini po osnovu ugovora koje je JU Kantonalna bolnica Zenica zaključila sa dobavljačima za navedene usluge, a koji terete troškove ove zdravstvene ustanove u 2021. godini.

U sljedećem tabelarnom pregledu dati su podaci o vrsti i iznosima ugovorenih obaveza za tekuće održavanje medicinske opreme u 2021. godini, čije finansiranje je obezbjeđeno Budžetom Zeničko-dobojskog kantona za 2021. godinu:

Red . br.	Svrha	Iznos u KM
1.	Usluge održavanja medicinske opreme proizvođača „Siemens“ u Službi za radiologiju (MR magnetom, T Somatom Definition AS 40, Axiom Iconos MD, Multix Top)	242.847,54
2.	Usluge održavanja medicinske opreme proizvođača „Siemens“ u Službi za radiologiju (CT Somatom Emotin)	117.000,00
3.	Full održavanje medicinske opreme proizvođača „Siemens“ ultrazvučni aparati“	34.983,00
4.	Servisiranje i održavanje opreme na odjelu radioterapije (Linac Elekta)	276.120,00
5.	Održavanje gamma camere Picker	18.704,00
6.	Verifikacija mjerila – medicinskih uređaja	70.000,00
7.	Usluge održavanja medicinske opreme proizvođača Fresenius	44.460,00
	Ukupno	804.114,54

Vlada Zeničko-dobojskog kantona, na prijedlog Ministarstva zdravstva i ovog Programa donosi odluke o odobravanju sredstava, kojim će biti precizirani uslovi transferisanja sredstava JU Kantonalna bolnica Zenica po zaključenim ugovorima za tekuće održavanje medicinske opreme.

2. Tekuće održavanje informacionih sistema i nemedicinske opreme (planirana sredstva u iznosu od 205.885,46 KM)

Sredstva planirana za ove namjene odnose se na održavanje informacionih sistema i liftovskih postrojenja i to u iznosima prema zaključenim ugovorima i periodu važenja istih, a koja terete troškove JU Kantonalna bolnica Zenica u 2021. godini.

U sljedećem tabelarnom pregledu dati su iznosi ugovorenih obaveza za tekuće održavanje informacionih sistema i nemedicinske opreme:

Red. br.	Svrha	Iznos u KM
1.	Usluge nabavke i održavanja softvera AFIS	65.988,00

2.	Usluge održavanja i servisiranja IMPAX (PACS/RIS) sistema	73.008,00
3.	Održavanje laboratorijskog informacionog sistema RGB Analysis Renovatio RGB Analysis Mikrobiologija	51.807,60
4.	Ukupno održavanje informacionih sistema	190.803,60
5.	Održavanje liftovskih postrojenja	15.303,60
6.	Ukupno (4.+5.)	206.107,20

Vlada Zeničko-dobojskog kantona, na prijedlog Ministarstva zdravstva i ovog Programa donosi odluke o odobravanju sredstava kojim će biti precizirani uslovi transferisanja sredstava JU Kantonalna bolnica Zenica po zaključenim ugovorima za tekuće održavanje.

3. Izdaci za PDV po projektu „Poboljšanje energetske efikasnosti u JU Kantonalna bolnica Zenica“ (planirana sredstva u iznosu od 100.000,00 KM)

Skupština Zeničko-dobojskog kantona je donijela Odluku o prihvatanju supsidijarnog zaduženja Zeničko-dobojskog kantona po osnovu Ugovora o zajmu između Bosne i Hercegovine i Evropske banke za obnovu i razvoj u svrhu realizacije Projekta „Poboljšanje energetske efikasnosti u JU Kantonalna bolnica Zenica“ („Službene novine Zeničko-dobojskog kantona“, broj: 8/2018).

Realizacija Projekta je bila u zastoju zbog neriješenih imovinsko-pravnih odnosa na zemljištu i objektima JU Kantonalna bolnica Zenica.

Gradsko vijeće Grada Zenica je Zaključkom broj: 01-45-4641/21 od 08.03.2021. godine dalo saglasnost na izvođenje radova rekonstrukcije i nadogradnje postojećih objekata u svrhu realizacije Projekta „Rekonstrukcija JU Kantonalna bolnica Zenica po principima energetske efikasnosti“, što je omogućilo nastavak aktivnosti na realizaciji kreditnih sredstava.

Imajući u vidu navedeno neophodno je planirati određena sredstva za sufinansiranje projekta (plaćanje PDV-a kojeg Banka ne finansira). Obzirom da je potpisivanje podugovora u pripremi, JU Kantonalna bolnica je u svom zahtjevu za navedenim sredstvima utvrdila iznos od 100.000,00 KM koji se odnosi na 2021. godinu.

4. Izdaci za pokriće dijela troškova nabavke medicinskog kisika u uslovima pandemije virusa COVID-19 (planirana sredstva u iznosu od 239.778,26 KM)

U uslovima pandemije virusa COVID-19 u drugom i trećem „valu“ pandemije znatno je povećan broj hospitaliziranih pacijenata sa izrazito teškim simptomima, za čije liječenje je neophodna kiseonička podrška.

Potrebe JU Kantonalna bolnica Zenica za nabavkom medicinskog kisika su znatno povećane, a zbog velike potražnje postoje problemi u nabavci. Iz navedenog razloga, kao potpora JU Kantonalna bolnica Zenica u borbi protiv pandemije, dio planiranih sredstava u Programu je

opredijeljen za pokriće troškova nabavke medicinskog kisika, kako bi se osigurala sigurna opskrbljenost medicinskim kisikom ove zdravstvene ustanove.

Vlada Zeničko-dobojskog kantona, na zahtjev JU Kantonalna bolnica Zenica, a na osnovu ispostavljenih faktura za nabavku medicinskog kisika po osnovu ugovora zaključenog sa dobavljačem, donosi odluke o odobravanju sredstava.

PREMIJER

Mirnes Bašić

Broj: 02-_____ /21

Datum, 31.05.2021. godine

Zenica

DOSTAVLJENO:

1x Ministarstvo zdravstva,

1x Ministarstvo finansija,

1x a/a.